

KATEGORIZACIJA DODATAKA HRANE ZA ŽIVOTINJE

1. Kategorija „TEHNOLOŠKI DODACI” obuhvata:

- a) konzervanse: supstance ili, prema potrebi, mikroorganizmi koji produžavaju trajnost hrane za životinje štiteći je od kvarenja uzrokovanog djelovanjem mikroorganizama ili njihovih metabolita;
- b) antioksidanse: supstance koje prodžavaju trajnost hrane za životinje ili pojedinačnih hraniva štiteći ih od kvarenja uzrokovanog oksidacijom;
- c) emulgatore: supstance koje omogućavaju ili održavaju homogenu mješavinu dvije ili više komponenti u hrani za životinje koje se inače ne bi mogle homogeno izmiješati;
- d) stabilizatore: supstance koje omogućavaju održivost fizičko-hemijskih svojstava hrane za životinje;
- e) zgušnjivače: supstance koje povećavaju viskoznost hrane za životinje;
- f) supstance za želiranje: supstance koje hrani za životinje daju teksturu stvaranjem gela;
- g) veziva: supstance koje služe za bolje povezivanje čestica u hrani za životinje;
- h) supstance za kontrolu kontaminacije radionuklidima: supstance koje sprječavaju apsorpciju radionuklida ili pospješuju njihovo izlučivanje;
- i) supstance za sprječavanje zgrudnjavanja: supstance koje smanjuju zgrudnjavanje čestica hrane za životinje;
- j) regulatore kisjelosti: supstance koje regulišu pH hrane za životinje;
- k) dodatke za siliranje: supstance, uključujući i enzime ili mikroorganizme, namijenjene dodavanju hrani za životinje radi poboljšanja procesa siliranja;
- l) sredstva za denaturisanje: supstance koje omogućavaju identifikaciju porijekla posebne hrane ili hraniva, korišćene za proizvodnju prerađene hrane za životinje;
- m) supstance za smanjenje kontaminiranosti hrane za životinje mikotoksinima: supstance koje mogu spriječiti ili smanjiti apsorpciju mikotoksina, pospješiti njihovo izlučivanje ili izmijeniti njihov način djelovanja;
- n) supstance za poboljšanje higijenskog stanja supstance ili, ako je primjenljivo, mikroorganizmi koji pozitivno utiču na higijenska svojstva hrane za životinje jer smanjuju određenu mikrobiološku kontaminaciju.

2. Kategorija „SENZORNI DODACI” obuhvata:

- a) boje:
 - supstance koje povećavaju ili obnavljaju boju u hrani za životinje;
 - supstance koje, dodate u hranu životinja, pojačavaju boju hrane životinjskog porijekla;
 - supstance koje povoljno utiču na obojenost ukrasnih ribica i ptica;
- b) aromatične supstance: supstance čije uključivanje u hranu za životinje pojačava miris ili ukus hrane za životinje.

3. Kategorija „NUTRITIVNI DODACI” obuhvata:

- a) vitamine, provitamine i hemijske supstance sličnog učinka;
- b) mineralne mješavine;
- c) aminokiseline, njihove soli i analogne supstance;
- d) ureu i njene derivate.

4. Kategorija „ZOOTEHNIČKI DODACI” obuhvata:

- a) supstance za poboljšanje probavljivosti: supstance koje dodate u hranu životinja povećavaju varenje hrane za životinje djelovanjem na ciljna hraniva;
- b) stabilizatore dobre crijevne flore: mikroorganizmi ili druge hemijski definisane supstance koje, dodate u hranu životinja, imaju pozitivan učinak na dobru crijevnú floru;
- c) supstance koje povoljno utiču na životnu sredinu;
- d) ostale zootehničke dodatke.

DODATNI PODACI ZA OZNAČAVANJE ODREĐENIH DODATAKA I PREMIKSA

(1) Prilikom označavanja, dodatni podaci za dodatke hrane za životinje i premikse navode se dodatni podaci na sljedeći način:

1. Zootehnički dodaci, kokcidiostatici i histomonostatici:
 - datum isteka roka trajanja ili rok trajanja od dana proizvodnje,
 - uputstvo za korišćenje, i
 - koncentracija.
2. Enzimi:
 - poseban naziv aktivne supstance ili komponenata u skladu sa njihovom enzimskom aktivnošću i u skladu sa odobrenjem,
 - identifikacioni broj Međunarodne organizacije za biohemiju, i
 - umjesto koncentracije: jedinice aktivnosti (jedinice po gramu ili jedinice aktivnosti po mililitru).
3. Mikroorganizmi:
 - datum isteka roka trajanja ili rok trajanja od dana proizvodnje,
 - uputstvo za korišćenje,
 - identifikacioni broj soja, i
 - broj jedinica koje stvaraju kolonije po gramu.
4. Nutritivni dodaci:
 - nivo/količina aktivne supstance, i
 - datum isteka roka trajanja ili rok trajanja od dana proizvodnje.
5. Tehnološki i senzorni dodaci uz izuzetak aromatičnih supstanci:
 - nivo/količina aktivne supstance.
6. Aromatične supstance:
 - ugrađeni udio u premiksima.

(2) Dodatni zahtjevi u pogledu označavanja i informisanja za određene aditive koji se sastoje od određenih proizvoda i premiksa koji sadrže takve proizvode:

1) Dodaci koji pripadaju kategorijama iz člana 6 stav 1 tač. 1, 2 i 3 ove uredbe i koji se sastoje od određenih proizvoda i premiksa koji sadrže te proizvode:

a) na ambalaži ili posudi/kontejneru poseban naziv, oznaku ili broj i količinu svih tehnoloških dodataka sadržanih u proizvodu, za koje su najveće količine utvrđene u odgovarajućem odobrenju;

b) sljedeće informacije, upotrebom bilo kojeg sredstva pisane komunikacije ili uz preparat:
- poseban naziv, oznaku ili broj svih tehnoloških dodataka sadržanih u finalnom proizvodu, i

- naziv svih drugih supstanci ili proizvoda sadržanih u finalnom proizvodu, navedenih prema opadajućem redoslijedu količina.

2) Premiksi koji pripadaju kategorijama iz člana 6 stav 1 tač. 1, 2 i 3 ove uredbe i koji se sastoje od određenih proizvoda i premiksa koji sadrže takve proizvode na ambalaži/posudi ili kontejneru poseban naziv, oznaku ili broj i količinu svih tehnoloških dodataka sadržanih u proizvodu, za koje su najveće količine utvrđene u odgovarajućem odobrenju, kada je to prikladno;

(3) Količina dodataka koja takođe postoji u prirodnom stanju u nekim hranivima, izračunava se tako da ukupni broj dodatih elemenata i elemenata koji su prirodno prisutni, ne prelaze najveću dozvoljenu količinu predviđenu u prilogu 1 ove uredbe.

(4) Dozvoljeno je miješanje dodataka samo u premiksima i hrani za životinje kada postoji fizičko-hemijska i biološka kompatibilnost između sastojaka mješavine u odnosu na željene efekte.

(5) Dopunske krmne smješe razrijeđene kako je određeno, ne smiju preći količine dodataka, utvrđene za potpune krmne smješe, a u slučaju premiksa, koji sadrže dodatke za siliranje, riječi „dodaci za siliranje” moraju se jasno dodati na oznaci nakon riječi „PREMIKS”.

(6) Tehnoloških dodaci ili druge supstance ili proizvodi sadržani u dodacima koji se sastoje od preparata mijenjaju samo fizičko-hemijske karakteristike aktivne supstance preparata i upotrebljavaju se u skladu s uslovima odobrenja ako su takve odredbe predviđene.

(7) Fizičko-hemijska i biološka kompatibilnost sastavnih dijelova preparata obezbjeđuje se prema očekivanim i željenim efektima.